



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCCX. ad annum MLXXIII.

Parisiis, 1644

Vita Victoris Papae II.

urn:nbn:de:hbz:466:1-15625

ANNO CHRISTI 1053.

CONCILIVM ROMANVM IV.

DE CANONIZATIONE SANCTI GERARDI Leucorum episcopi, & de limitibus diocesis inter Aquileiensem & Foroiuliensem episcopos controuersis, celebratum anno Domini MLIII. tempore Leonis papæ IX.

NOTA.

Concilium.] Antequam Leo pontifex aduersus Nortmannos proficisceretur, inquit Hermannus Contractus, post pascha Romæ Synodum habuit, in qua, auctore Sigeberto, Gerardum Leucorum supra se quintum episcopum in sanctorum numerum retulit. Ex epistola secunda Leonis noni ad Thomam Africanum episcopum aperte constat, in hac Synodo definitam esse veterem illam controuersiam inter Foroiuliensem & Aquileiensem antistites de limitibus dioceseos, statutumque vt Aquileia totius Veneriæ & Istriæ metropolis esset.

VITA

ANNO CHRISTI 1055.

VICTORIS PAPÆ II.

VICTOR, cui nomen Gebehardus erat, ecclesiæque Eistetenfi magna cum utilitate præsidebat, iussu cleri Romani per Hildebrandum ecclesiæ Romanæ subdiaconum ab imperatore postulatus Romam adducitur, & consensu vniuersi cleri ac populi pontifex anno Domini 1055. tempore Henrici III. imperatoris eligitur, & in die cœnæ Domini solenniter consecratur. Ab imperatore eum sibi præsentari postularunt, quoniam in ecclesia Romana, vt inquit Leo Ostiensis, persona ad tantum officium idonea reperiri non poterat.

Victor quando & a quibus electus pontifex.

Ad corrigendos prauos vsus ecclesiæ Gallicanæ, causasque quorundam episcoporum cognoscendam, Hildebrandum Romanæ ecclesiæ subdiaconum cardinalem, qui postea factus est pontifex nomine Gregorius VII. legatum a latere in Gallias ablegauit, qui Lugduni in dicto Concilio episcopum de simonia accusatum miraculose ad propriam delicti confessionem adegit, dum iussus recitare hymnum glorificationis, in eo In Spiritum sanctum ne-

Res gestæ.

quaquam pronuntiare potuisset. Anno pontificatus sui primo passus est horrendam prodicionem, cum ad eius interitum subdiaconus quidam venenum (dictu pauendum) in sacrum calicem immisit. Sed Deus duplici miraculo ne pontifex biberet obstitit, & tanti sacrilegii auctorem detexit. Lambertus rem gestam sic describit: Huic, nempe Victori papæ, subdiaconus toxicum in calicem misit: quem cum ipse post consecrationem leuare vellet, nec posset, a Domino causam facti inquisiturus, cum populo ad orationem prosternitur, statimque toxicator a dæmone arripitur. Ita igitur causa manifestata, dominus papa calicem cum sanguine dominico cuidam altari iussit includi, & pro reliquiis in perpetuum conseruari. Deinde iterum cum populo tamdiu ad orationem prosternitur, quousque subdiaconus a dæmonio liberaretur. Hæc Lambertus, Vrspergensis, aliive plures.

Ab Henrico imperatore Roma euocatus in Germaniam veniens anno pontificatus sui secundo, Christi Redemptoris 1056. inuenit eum graui morbo laborantem, & iam animam agentem. Accidit illud sine dubio singulari Dei gratia; nam paulo post quam coram pontifice peccatorum confessionem egisset, ablata restituisset, ab adstantibus veniam petiuisset, filiumque Henricum adhuc quinquennem ab electoribus tunc presentibus regem constitutum Romanæque ecclesiæ commendatum Victori pontifici obtulisset, magno Dei beneficio per eundem animam suam Deo obtulit, cum annis octodecim in imperio regnasset. Agnes Augusta mater puerum quidem religiose educare cœpit; sed cum ex ephebis excessisset, abstractus a matre factus est hostis Romanæ ecclesiæ, cuius beneficio per Victorem Romanum regnum Germaniæ consecutus fuerat. Anno sequente ex Germania in Urbem reuersus excommunicauit Trasimundum comitem Teatinum, qui legatos Constantinopoli redeuntes spoliauerat.

Huius temporibus magno totius Germanorum ecclesiæ beneficio sanctus Anno in cathedra Coloniensi collocatur archiepiscopus, qui Henrico imperatori, a quo grauiter exagitabatur, propterea quod libere eum reprehenderet, futurum obitum prædixit.

Henrici imperatoris obitus.

Henricus IV. fit rex Germaniæ.

S. Anno fit archiepiscopus Coloniensis.

Defunctus est Victor papa Florentiæ anno Christi 1057. die 28. Iulii, cum sedisset annos duos, menses tres, & dies quindecim: sepultus est loco eodem quo obierat. Cessauit episcopatus, auctore Lamberto, a vigesima octaua Iulii ad secundam Augusti per dies quinque.

Obitus
Victoris.

ANNO
CHRISTI
1055.

CONCILIVM FLORENTINVM,
CONTRA ALIENATORES RERV
ecclesiasticarum celebratum anno Domini MLV. tem-
pore Victoris papæ II.

NOTA.

* *Concilium.*] Auctoritate Leonis Ostiensis constat hanc Synodum in præsentia Victoris papæ & Henrici imperatoris celebratam esse. Constitutum fuisse in ea decretum de bonis ecclesiæ non alienandis, testatur Petrus Damianus in epistola ad Domnum V. episcopum scripta, quam hætenus nondum editam, ex codice Vaticano descripsit Baronius. In eadem hac Synodo damnatum fuisse Berengarium constat testimonio Lanfranci, qui asserit Victorem ipsum in omnibus Conciliis quæ celebrauit, vel celebranda curauit, cuncta prædecessore constituta confirmasse, præcipue quæ circa damnationem hæreseos Berengarii per ipsum gesta fuerant. Ait enim: *Quæ sententia Leonis papa non effugit successorem quoque suum felicitis memoria papam Victorem. Sed quidquid de hac re seu de ceteris ipse statuit, statueræ præcepit, hoc etiam ista sua atque omnium Conciliorum suorum auctoritate firmavit.* Vide Baronium prædicto loco.

Decreta &
acta Con-
cilii quæ
fuerint.

CONCILIVM LVGDVNENSE,
QVO EPISCOPVS QVIDAM PER
Hildebrandum sedis apostolicæ legatum miraculose
de crimine simoniæ conuincitur, anno Domini MLV.
tempore Victoris papæ II. celebratum.

NOTA.

* *Concilium.*] Hildebrandus sanctæ Romanæ ecclesiæ cardinalis subdiaconus, quem Victor papa ad corrigendos prauos vsus ecclesiæ Gallicanæ legatum a latere miserat in Galliam, Lugduni Concilium congregauit; de quo ex antiquioribus gestis Romanorum pontificum a Nicolao Aragonio congestis hæc descripsit Baronius: *Eodem tempore, cum simoniaca hæresis totam Italiam & Burgundiam*

Hildebran-
dus cur in-
dixerit.